

Temeljem člana 42. i člana 36. Poslovnika Predstavničkog doma Parlamentarne skupštine BiH **Komisija za vanjske poslove Predstavničkog doma Parlamentarne skupštine Bosne i Hercegovine** na svojoj sjednici održanoj 2012.godine donijela je

ORIJENTACIJSKI PLAN RADA KOMISIJE ZA VANJSKE POSLOVE PREDSTAVNIČKOG DOMA PARLAMENTARNE SKUPŠTINE BIH ZA 2012.

UVOD

Način na koji će pratiti i razmatrati određena pitanja Komisija će odrediti o svakom konkretnom pitanju vodeći računa o potrebnom: kontinuitetu sjednica Komisije, mogućnosti osnivanja potkomisija ili radnih tijela, delegacija, te pojedinačnim angažiranjem članova Komisije kao i o saradnji predloženoj od nadležnih tijela BiH ili međunarodnih organizacija.

Vremenska dimenzija Programa rada Komisije dinamizirana je po kvartalima u jednoj godini sa temeljnim ciljem: da se planirana ili predložena pitanja razmatraju **na vrijeme**, da aktivnosti budu koordinirane sa zahtjevima Predstavničkog doma i prijedlozima organizatora, ali i da se nastavi planska redovnost sjednice Komisije određivanjem dana u mjesecu u kojem se održavaju.

Infrastruktura, prostor za rad i administrativna pomoć Komisiji su uvjet ostvarivanja programa i dobrog i efikasnog rada Komisije i njenih članova.

Djelokrug rada Komisije određen je članom 42. Poslovnika Predstavničkog doma Parlamentarne skupštine BiH prema kojem:

1). Komisija za vanjske poslove:

- a) prati vođenje vanjske politike Predsjedništva BiH i Vijeća ministara BiH;
- b) razmatra pitanja saradnje Bosne i Hercegovine s Ujedinjenim narodima i međunarodnom zajednicom;
- c) razmatra pitanja međuparlamentarne saradnje s odgovarajućim komisijama parlamenata drugih zemalja;
- d) razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za evropsku sigurnost i saradnju, te drugim međunarodnim organizacijama;
- e) razmatra pitanja rada institucija BiH, kompetentnih za pitanja vanjskih poslova i međunarodnih odnosa;
- f) razmatra aktivnosti stalnih i privremenih delegacija Parlamentarne skupštine BiH u međuparlamentarnim institucijama; i
- g) razmatra pitanja davanja i otkazivanja saglasnosti za ratificiranje međunarodnih ugovora.

Komisija razmatra i druga pitanja iz oblasti međunarodnih i vanjskih poslova.

2). Jednako tako važnu dimenziju sadržaju rada Komisije u 2012. godini trebaju dati **Zaključci o pitanjima iz oblasti vanjske politike** kojima Predstavnički dom Parlamentarne skupštine BiH izražava podršku:

- načelima vanjske politike Bosne i Hercegovine,
- prioritetima, posebno kada je u pitanju saradnja sa susjedima, regionalne integracije, što brže približavanje i uključivanje u evropske integracije i ekonomski ciljevi u okviru vanjske politike,
- ciljevima i pravcima djelovanja koji vode do stjecanja kandidatskog statusa Bosne i Hercegovine u Evropskoj uniji;
- aktivnostima institucija BiH u nastojanjima da naša zemlja nastavi biti istaknuti subjekt borbe protiv terorizma i pripadnica antiterorističke koalicije, te da u potpunosti saraduje sa Haškim tribunalom.

Prihvatajući činjenicu da u ujedinjenoj Evropi postojeće granice ne smiju postati granice podjele nego spajanja država i naroda, Predstavnički dom izražava podršku ovom cilju i zahtjevu da ukupna parlamentarna i diplomatska aktivnost građana i državljana BiH i njihovih institucija treba da doprinese ostvarivanju ovog cilja.

PLANIRANE AKTIVNOSTI ZA PERIOD JANUAR-MART

- razmatranje Izvještaja o radu Komisije u 2011. godini;
- razmatranje Radnog plana Komisije u 2012. godini ;
- razmatranje Izvještaja o radu Ministarstva vanjskih poslova BiH u 2011. godini u okviru Izvještaja o radu Vijeća ministara BiH u 2011. godini;
- razmatranje Plana rada Ministarstva vanjskih poslova BiH u 2012. godini u okviru Plana rada Vijeća ministara BiH za 2012. godini;
- razmatranje davanja i otkazivanja saglasnosti za ratifikaciju međunarodnih sporazuma i ugovora i dostavljanje izvještaja Predstavničkom domu;
- održavanje tematske sjednice sa nazivom „Uloga parlamentarne diplomatije u vanjskoj politici BiH“;
- održavanje tematske sjednice o učincima nestalnog članstva BiH u Vijeću sigurnosti Ujedinjenih naroda u periodu 2010.-2011. godina;
- razmatranje Izvještaja o rezultatima posjete delegacija Parlamentarne skupštine BiH u međunarodnim aktivnostima koji budu dostavljeni Komisiji u ovom razdoblju;

- razmatranje prijedloga i inicijativa državnih tijela, međunarodnih organizacija i nadležnih tijela drugih zemalja za različite oblike parlamentarnih aktivnosti i međuparlamentarne saradnje kao i razmjena bilateralnih posjeta Komisija za vanjske poslove;
- prijem novoimenovanih ambasadora BiH u inostranstvu kao i stranih ambasadora akreditiranih u Bosni i Hercegovini;
- međunarodna saradnja: **posjeta delegacije Komisije za vanjske poslove Republike Turske Bosni i Hercegovini, najvjerojatiji datum: 26.-29.02.2012.godine.**

PLANIRANE AKTIVNOSTI ZA PERIOD APRIL-JUN

- razmatranje davanja i otkazivanja saglasnosti za ratifikaciju međunarodnih sporazuma i ugovora i dostavljanje izvještaja Predstavničkom domu;
- razmatranje i poticanje za ubrzanje aktivnosti na pripremi Zakona o vršenju vanjskih poslova BiH te Strategije vanjskih poslova BiH - materijal Ministarstva vanjskih poslova BiH i doprinos Komisije za vanjske poslove ovom zakonskom projektu;
- razmatranje informacija Ministarstva vanjskih poslova BiH o potrebnim diplomatskim i parlamentarnim aktivnostima na ekonomskom, političkom i drugom planu u svrhu jačanja saradnje i međunarodnog položaja BiH;
- razmatranje prijedloga i inicijativa državnih tijela, međunarodnih organizacija i nadležnih tijela drugih zemalja za različite oblike parlamentarnog rada i međuparlamentarne saradnje;
- razmatranje izvještaja o aktivnostima delegacija Parlamentarne skupštine BiH dostavljenih Komisiji u ovom periodu;
- razmatranje (u saradnji sa Zajedničkom komisijom za evropske integracije i DEI) dinamike ispunjavanja uslova za napredak ka narednim fazama evropskih integracija;
- razmatranje prijedloga i inicijativa civilnog sektora za različite oblike saradnje, te utjecaj nevladinog sektora na vanjsku politiku BiH;
- organiziranje tematske sjednice, okruglog stola ili javnog saslušanja o “Aktuelnoj situaciji u vanjskoj politici u BiH” u saradnji sa Vanjskopoličkom inicijativom BiH;
- prijem novoimenovanih ambasadora BiH u inostranstvu kao i stranih ambasadora akreditiranih u Bosni i Hercegovini;

- međunarodna saradnja: **posjeta Komisije nekom od vanjskopolitičkih odbora u regionu, zemlji članici EU (Rumunija) ili nekoj drugoj državi iz koje Komisija ima poziv (Izrael, Iran), kao i prijem jednog od vanjskopolitičkih odbora koje je Komisija pozvala u posjetu (Poljska, Crna Gora).**

PLANIRANE AKTIVNOSTI ZA PERIOD JUN-SEPTEMBAR

- razmatranje davanja i otkazivanja saglasnosti za ratifikaciju međunarodnih sporazuma i ugovora i dostavljanje izvještaja Predstavničkom domu;
- razmatranje izvještaja o aktivnostima delegacija Parlamentarne skupštine BiH dostavljenih Komisiji u ovom periodu;
- prijem novoimenovanih ambasadora BiH u inostranstvu kao i stranih ambasadora akreditiranih u Bosni i Hercegovini;
- međunarodna saradnja: posjeta Komisije nekom od vanjskopolitičkih odbora u regionu ili zemlji članici EU (Slovačka i Češka), kao i prijem jednog od vanjskopolitičkih odbora koje je Komisija pozvala u posjetu

PLANIRANE AKTIVNOSTI ZA PERIOD SEPTEMBAR-DECEMBAR

- razmatranje davanja i otkazivanja saglasnosti za ratifikaciju međunarodnih sporazuma i ugovora i dostavljanje izvještaja Predstavničkom domu;
- prijem novoimenovanih ambasadora BiH u inostranstvu kao i stranih ambasadora akreditiranih u Bosni i Hercegovini;
- razmatranje prijedloga i inicijativa državnih tijela, međunarodnih organizacija i nadležnih tijela drugih zemalja za različite oblike parlamentarnog rada i međuparlamentarne saradnje;
- razmatranje koncepta nastupa i izvještaja o aktivnostima delegacija Parlamentarne skupštine BiH dostavljenih Komisiji u ovom periodu;
- rasprava na Komisiji o stanju regionalne saradnje, te o izvještajima sa regionalnih konferencija održanih tokom godine;

- ocjena iskustava u protoku informacija iz oblasti vanjske politike kroz Parlamentarnu skupštinu BiH, Predsjedništvo BiH i Ministarstvo vanjskih poslova BiH, te o dostupnosti informacija članovima Komisije za vanjske poslove;
- organiziranje tematske sjednice o aktuelnom stanju u DKP-ima BiH u inostranstvu;
- organiziranje tematske sjednice o nadzornoj ulozi Komisije u vođenju vanjske politike BiH;
- praćenje ispunjavanja postprijemnih obaveza BiH prema Vijeću Evrope, te rada stalne delegacije PSBiH u PSVE;
- razmatranje pitanja organizacije i planiranja rada Komisije u 2013. godini...i potrebne pomoći Komisiji od strane Sekretarijata doma u oblasti:
 - procedure,
 - specijalističke analize (istraživanja),
 - administrativne pomoći i
 - troškova (novca).

ZAKLJUČAK

Sadržaj rada u 2012. godini i vremenska dinamika Radnog plana postavljeni su okvirno, prema očekivanjima aktivnosti na razini BiH i prema potrebnoj koordinaciji sa drugim tijelima nadležnim za vanjske poslove. Pomjeranje rokova za razmatranje pitanja iz plana je moguće, zavisno o prispjeću materijala od institucija od kojih se to očekuje, s temeljnim ciljem da se materijali što kraće zadržavaju u Komisiji i u ukupnoj parlamentarnoj proceduri.

Neka od pitanja se s razlogom ponavljaju po tromjesečjima, pa možda i mjesečno zbog potrebe redovitosti njihovog razmatranja u Komisiji. Naredne protokolarne aktivnosti iz okvira međuparlamentarne saradnje Komisija će razmatrati na svakoj od svojih sjednica, učešća članova Komisije u radu konferencija, okruglih stolova i radionica koje organiziraju nevladine institucije će biti redovito i prema njihovoj dinamici, a nastupi ambasadora pred Komisijom će biti organizovani prema Planu Ministarstva vanjskih poslova BiH.

Vrijeme koje predstoji u ostvarivanju Radnog plana, inicijative drugih institucija i tijela sa kojima Komisija saraduje kao i ideje i prijedlozi članova Komisije i poslanika pojedinačno, izvjesno je da će u rad Komisije uključiti i druga pitanja koja nisu predložena u 2012. godini, a koja će Komisija razmotriti u okviru njenog domena.

Sarajevo, januar 2012. godine

Prijedlog Radnog plana Komisije sačinila:
Merdžana Iglica, sekretar Komisije